

a voz do pobo

¡proletarios de todo-los
países unídevos!

órgao do partido comunista de galicia

Nº 18 - 23 de Xaneiro de 1977

-10pts.

GALEGOS

**VIVA
O VIGILANTE
DO
PCGA**

Ateneo Fer
o lugar de encontro
Fundado o
da Magdalena
www.ateneoferrol.com

**A NOSA
HISTORIA
É A LOITA**

57 ANOS DE LOITA POR GALICIA, A DEMOCRACIA E O SOCIALISMO EN LIBERTADE

DECLARACIÓN DO COMITÉ EXECUTIVO ENCOL DO 8º ANIVERSARIO DO PARTIDO COMUNISTA DE GALICIA

O LI PLENO AMPLIADO DO COMITE CENTRAL DO PARTIDO COMUNISTA DE GALICIA, QUE TIVO LUGAR EN OUTUBRE DO ANO PASADO, RESOLVEU INICIAR EN XANEIRO DE 1.977 A CELEBRACION DO VIII ANIVERSARIO DA CONSTITUCION DO PARTIDO COMUNISTA DE GALICIA.

I-FOI HAI 8 ANOS, NA CLANDESTINIDADE...

A aspiración dos comunistas galegos de constituir un partido autónomo dentro do Partido Comunista de España, viña xa da República e foi frustrada pola rapidez con que Galicia caíu nas maus do fascismo. Plantexada de novo ista ne-

cesidade polos militantes galegos do Partido Comunista de España nun intre en que a recomposición do Movemento Obreiro, Estudiantil e Campesiño o facían posible e necesario, viuse satisfeita coa realización nos primeiros días do ano 1.969,

fóra das nosas fronteiras e baixo a hospitalidade dun partido irmán, do Congreso Constituinte do Partido Comunista de Galicia composto casi totalmente por delegados das organizacións do Partido chegados clandestinamente do interior do país.



"o fillo de breogan"





Neste Congreso discutíuse e aprobóuse o Programa Provisional do novo Partido, e lixiúse un Comité Central e a Santiago Alvarez como Secretario Xeral. Pouco despois veu a luz "A VOZ DO POBO", órgano do Partido Comunista de Galicia, que substituíu a "Galicia Ceibe" anterior voceiro dos comunistas galegos.

O dotar ó pobo galego dun Partido Comunista de seu, nacional contribuíu a que se dase un salto na conciencia nacional galega, e que hoxe ocupen un posto de vangardía os movementos obreiro, campesiño e mariñeiro de Galicia a nivel do Estado, e á presenza de Galicia ó mesmo nivel que os outros pobos na reivindicación da autonomía, no camiño da autodeterminación nacional.

Logo, a práctica demostrou que si ben é preciso que a clase obreira española dispoña dun solo Partido Comunista, pois enfréntase a unha clase dominante que predomina en todo o Estado; tamén é preciso que cada nacionalidade, atendendo ás súas propias particularidades e a necesidade de lograr a súa liberación nacional, dispoña dun Partido Comunista propio, con órganos de dirección, Congresos e prensa propios, sin menoscaba da indispensable política conxunta a nivel de Estado.

A pesares da relativa debilidade numérica da nosa clase obreira; da grande influencia da ideoloxía pequeno-burguesa nun país como o noso onde a pequena produción é maioritaria; a pesares da despolitización fomentada polo franquismo e da actitude de parte considerable da burguesía, o Partido Comunista de Galicia e o movemento obreiro logrou unha importante madurez e unha posición clave na vida política galega. Non hai nos derradeiros tempos acontecemento político galego, ou mobilización social significativa, nos que o PCG non

estivera presente en primeira línea.

Sin embargo, non todos foron éxitos. Ademais dos problemas que hoxe ten que abordar o PCG (finanzas, propaganda, prensa, novas formas de organización, etc.) como consecuencia da transición a un partido legal de masas, temos que referirnos a aqueles outros que aínda non demos resolto.

Fagamos unha rápida enumeración: o Pacto de Unidade Galega aínda non se pode decir que se logrou; o retraso do movemento nacional galego aínda non se superou plenamente, de xeito que non están totalmente neutralizadas as tendencias a discriminarnos retardando "i-

II-LOITA CON RAICES

O Partido Comunista de Galicia nacéu en realidade hai 57 anos, en 1.920, cando se creou en toda España, ó calor da Revolución Socialista do Outubro, o Partido Comunista.

Dende o noso orixen os comunistas galegos tivemos sempre como obxectivo fundamental a loita polo socialismo e conquistar a autodeterminación de Galicia, mesmo antes da fundación en 1.931 do Partido Galeguista. Non hai outro Partido, con raíces na historia de Galicia, que teña mantido ó longo de tanto tempo posicións consecuentes cara á cuestión nacional galega.

Mais, a constitución como tal en 1.969 do PCG creou as condicións para que os comunistas pasáramos máis da teoría a práctica no tocante a recoller os anseios específicos da nación galega na loita de masas reivindicativa e na loita antifranquista. Deste xeito déuse un salto de calidade que fixo posible a continuidade de loita de Galicia polo Estatuto de Autonomía; o PCG foi o único Partido do antigo Frente Popular Galego que erguéu esta bandeira hasta hoxe endía.

Os primeiros comunistas galegos estiveron presentes na loita contra a Dictadu-

ra de Primo de Rivera, no advenimento da República que permitiu un gran desenvolvemento do Partido sobre todo en Pontevedra e Ourense

(uns 4.000 militantes en Galicia en 1.936), destacando a implantación do movemento obreiro en Vigo e nas Federacións das Sociedades Agrarias en Ourense e Pontevedra. Pola participación na mobilización de Outubro do 34 prenderon a Santiago Alvarez, campesiño de Valdeorras, responsable xa daquela da Organización do Partido nesa comarca ós 21 anos. En 1.936 o Partido forma parte do Frente Popular que gana en tres provincias as eleccións de febreiro (O Partido Comunista pasou en Galicia de 3.000 votos no 34 a 81.905 en 1.936). Ponse de novo en marcha o Comité Central de Autonomía, onde nos representaba o camarada Pasín Noia e realízase o 28 de Xunio o plebiscito do Estatuto de Autonomía que resultou aprobado polo pobo por esmagadora maioría. Diferentes autores coinciden en resaltar o papel decisivo xogado polos comunistas galegos na campaña pro-Estatuto.

ra de Primo de Rivera, no advenimento da República que permitiu un gran desenvolvemento do Partido sobre todo en Pontevedra e Ourense (uns 4.000 militantes en Galicia en 1.936), destacando a implantación do movemento obreiro en Vigo e nas Federacións das Sociedades Agrarias en Ourense e Pontevedra.

Pola participación na mobilización de Outubro do 34 prenderon a Santiago Alvarez, campesiño de Valdeorras, responsable xa daquela da Organización do Partido nesa comarca ós 21 anos.

En 1.936 o Partido forma parte do Frente Popular que gana en tres provincias as eleccións de febreiro (O Partido Comunista pasou en Galicia de 3.000 votos no 34 a 81.905 en 1.936). Ponse de novo en marcha o Comité Central de Autonomía, onde nos representaba o camarada Pasín Noia e realízase o 28 de Xunio o plebiscito do Estatuto de Autonomía que resultou aprobado polo pobo por esmagadora maioría. Diferentes autores coinciden en resaltar o papel decisivo xogado polos comunistas galegos na campaña pro-Estatuto.



a voz do pobo

Dirixentes comunistas como Arauxo e Garrote en Vigo (responsables do Comité de Galicia), Manolo del Valle en Ourense e outros caíron nos primeiros días do levantamento militar. No mes de Marzal de 1.939 foi Benigno Alvarez - "o amigo do home" - se lle chamón - que morréu en Ourense onde andaba escondado.

Cando estoubou o Movemento, Santiago Alvarez achábase en Madrid en misión do Partido e alí organiza, organiza loitar contra dos sublevados, as Milicias Galegas. De 1.200 homes que eran o principio da guerra só 150 pasaron a fronteira en 1.939: os demais caíron por Galicia e pola República. Son de esta época as publicacións "El Miliciano Galego", "Nova Galicia", "Nueva Galicia".

Loitadores comunistas como Isidro López e Blanco Pascual, ambos os dous de Valdeorras caen loitando como tantos outros no fronte de Asturias.

Nos anos 40 organiza-se debidamente a loita guerrillera, o Exército Guerrillero de Galicia, que chegou a ter unha forza considerable, combinado coa organización do llano e co apoio dos camponeses e do pobo, que foi unánime en algúns intres e en algúns lugares. Editaban "El Guerrillero" e outros xornales. No ano 1.941 Eladio Rodríguez, que entra dende o exilio dende Cuba pra reorganizar o Partido, e Barreiro, que está en Vigo, son detidos e pouco despois fusilados.

O ano 44 Gaioso e Seoane viñeron tamén pouco despois do exilio en Sudamérica a facerse cargo da dirección do Partido e da guerrilla. Caíron na Cruña e foron fusilados o 6 de Novembro de 1.948. Tamén ofrecéu a súa vida o antigo comandante do Batallón de Milicias Galegas, Valentín Fernández. Manuel Ponte, xefe da IV Agrupación, foi morto en combate. Segundo Vilaboi, obreiro ferrolano guerrillero,

foi torturado e asesinado a garrote vil en Xaneiro de 1.949. Manuela Sánchez morre a tiros mentras protexía a retirada dos guerrilleros que se topaban na súa casa. Pancho, Foucellas en tantos outros regaron a nosa terra de sangue comunista. Loitando nos frentes da Unión Soviética contra Hitler caíu heroicamente Manuel Martínez, do Barco, que tiña acadado o grado de comandante no Exército popular republicán.

En 1.943 reconstruíuse na clandestinidade, en Santiago, o Pacto Galego do Frente Popular nunha xuntanza onde estiveron: P. Galeguista, P. Comunista, P.S.O.E., C.N.T. e personalidades de Izquierda Republicana. Nombróuse a Castelao representante de Galicia como ministro da República no exilio.

En América os Partidos do Frente Popular Galego crean a Alianza Nacional Galega.

III-O PARTIDO DE HOXE

O Partido sigue o combate en Galicia substituíndo os caídos, renovándose na xeneración que non viviu a guerra, e así hasta as folgas obreiras de 1.962, o nacemento das Comisións Obreiras organizadas en Vigo e o Ferrol en 1.966, a loita campesiña en Castrelo do Miño e a gran folga e mobilización estudiantil de 1.968 en Santiago. Aicións que crearon as condicións pro Congreso Constituínte do PCG a finais dos anos 60.

Con posterioridade ó nacemento do PCG tiveron lugar feitos importantes nos que o Partido xogou un papel decisivo:

A mobilización do NON PAGAR en Ourense en 1.970 que chegou a vencellar a uns 80.000 labregos contra a cuota empresarial da Seguridade Social Agraria. Foi o inicio das Comisións Campesinas, e o nacemento do moderno movemento campesiño galego. Serxio Sandoval, Camilo de Dios, Manuel Peña-Rey, Carlos Barros e outros foron perseguidos, torturados e

O Partido Comunista e o Partido Galeguista traballaron xuntos hasta 1.960, ano en que este último se autodisolvéu.

Santiago Alvarez que aínda o fin da guerra civil e que no exilio mantíña estreita correspondencia con Castelao, volta clandestinamente a España, cae preso o 25 de Agosto de 1.945 e é torturado, pídesele pena de morte e é condenado xunto co dirixente comunista vasco Sebastián Zapirain. Tras unha gran campaña internacional (os veciños de Valdeorras movilizáronse daquela, a pesares do terror, en defensa de Santiago) conséguese salvarlle a vida e pasa 18 anos na cadea.

Morre no exilio o camarada Pepe Silva, de Santiago de Compostela, canteiro, un dos máis veteranos militantes do Partido, e membro do C.C. do P.C.E.

procesados a consecuencia destas loitas.

Téñen lugar as grandes folgas de 1.972 no Ferrol e Vigo. Amador Rei e Daniel Niebla, foron mortos a tiros pola forza pública no transcurso dunha manifestación pacífica de orixe reivindicativa. A poboación do Ferrol paralizou en solidariedade as súas actividades íse día 10 de Marzal. Xunto con outros encartados no proceso dos 23 do Ferrol, foron represaliados e condenados a prisión os dirixentes obreiros e do PCG: Xulio Aneiros, Rafael Pillado, Manuel Pillado, Amor, Robóo, Xulio Pérez de la Fuente, Sari Alabau e Rafael Barez.

O proletariado de Vigo uníuse a folga en Marzal en solidariedade co Ferrol, encertando así un ciclo de folgas que remataría coa folga xeral de setembro, que durou 15 días, e se saldou con máis de 100 despedidos, unha gran parte deles dirixentes.



xentes e militantes do PCG como Waldino Varela e outros.

O Partido Comunista de Galicia loitou denodadamente pola unidade da oposición galega. A constitución da Xunta Democrática de Galicia en Viana do Castelo o 9 de Marzo de 1.975, da Táboa Democrática de Galicia o 13 de Xullo de 1.976 e a presenza

de Galicia na Comisión Negociadora co Goberno Suárez de Valentín Paz-Andrade, co apoio do PPG e da TDG, teñen sido as cotas máis altas da unidade alcanzada polas forzas democráticas galegas.

De certo que a nosa historia, a historia dos comunistas galegos é a loita do pobo galego. Recuperar esta historia quer decir, pros militantes actuais do PCG nar

ticularmente, a necesidade de conocele e de asumila, pro que é preciso a súa reconstrución e análise.

Compre que entendamos o Partido no seu devenir, dinamicamente, como unha gran forza histórica, pero afínca da no presente e proleutándo se cara ó futuro, non como unha organización que eisiste solo desde que o militante ingresa nela.

IV - QUINCENA VIII ANIVERSARIO

Acordóuse realizar do do 24 de Xaneiro ó 6 de Febreiro unha campaña pública e de masas, que supoña o comenzo da celebración do VIII Aniversario do Partido Comunista de Galicia.

Os eixes da campaña VIII Aniversario son: afiliación masiva ó PCG; saída a luz pública do Partido en maior medida que cando a campaña pro abstención no Referendum; venta masiva de "A Voz do Pobo" "Mundo Obrero" e demais publicacións do Partido. Dar un impulso a campaña de recaudación de 5 millóns de pesetas e a normalización das cotizacións. Hai que impoñer, de feito e de dereito, a legalización do Partido Comunista e de todos os partidos. É preciso prestar especial atención ó campo e ó mar. Remos de poñer no centro da nosa actividade a reivindicación dos Estatuto de Autonomía de Galicia no camiño da autodeterminación nacional.

Trátase, deste xeito, de ir pónndonos a punto cara a campaña electoral que xa está encima. Debemos facer todo, todo, pra que a xente nos conozca polo que pensamos e queremos, polos feitos que temos realizados por nós mesmos, non polas mentiras e difamacións que sectores interesados, cando non mezuquinos, fan correr sobor de nos, os comunistas.

As actividades previstas faranse a tres niveles: en trega do carnet do PCG en actos abertos, propaganda, mítins e outros actos públicos. Unha das metas de esta campaña é crear as condicións pra presentación pública en cada centro de traballo e de estudio, parroquia ou comarca, barrio, localidade, etc., ante as masas, dos comunistas. Sin prevención algunha, demostraremos a nosa decisión de actuar abertamente, de non esconder a nosa militancia, de arrostrar inclu-

so os riscos que poida implicar o declararnos comunistas ante os nosos compañeiros de traballo, ante os veciños, etc. Ningunha propaganda insidiosa, antidemocrática, vai a retrasar a necesidade de darnos a coñecer ás masas a todos os niveles, con nome e apellidos.

¡POR GALICIA!

¡POLA AMNISTIA E LIBERTADE DE TODOLOS PARTIDOS POLITICOS!

¡POR UN PARTIDO DE MASAS ABERTO CARA Ó POBO E ESPECIALMENTE CARA A XUVENTUDE!

¡VIVA O VIII ANIVERSARIO DO PARTIDO COMUNISTA DE GALICIA!

COMITE EXECUTIVO DO P.C. DE GALICIA

XANEIRO DE 1.977



MARIÑEIRO S CONSTITUIENSE EN SINDICATO

Onte, día 30 de decembro, como resultado de unha asamblea de arrededor de cen mariñeiros de baixura e como consecuencia de outras reunións e asambleas anteriores nas que se viu debatindo a problemática dos mariñeiros de baixura da Ría de Vigo e a necesidade de avanzar hacia a creación dun sindicato democrático,

co, libre, de clase, autónomo e independente como único medio válido pra a correcta defensa dos intereses dos mariñeiros. Aprobóuse a constitución de un Sindicato das Comisións Mariñeiras de Galicia de Baixura da Ría de Vigo, sendo elixida unha xunta xestora de sete mariñeiros que ostentarán de unha forma provisio-

nal a representación do dito sindicato, has a elección definitiva da Xunta Directiva".

Comunicado de Prensa
De xeito semellante estánse organizando sindicalmente os traballadores do mar nas outras rías galegas.



!ISTE É O CAMIÑO!

VENTA PUBLICA DA NOSA PRENSA



"EN PÉ"

"ESCOITA"

Denantes rematar o ano 76 saíron á luz dous novos periódicos do Partido. Trátase de "Escoita" e "En Pé", órganos dos Comités Locais de A Cruña e Ferrol respectivamente.

A nova situación política na que nos atopamos impón ó Partido que a súa voz sexa difundida de xeito cada vez máis amplo, concreto e profundo entre tódolos sectores da sociedade. "Escoita" e "En Pé" ven de cheirar un valeiro dos moitos que aínda temos, na nosa prensa, razón ísta pola cal saudamos a súa aparición e ancelamos a súa continuidade no vello de que ambos órganos contribúan a consolidar e desenvolver o Partido que Galicia precisa: Un Gran Partido Comunista de Galicia.

Ateneo
Un lugar de
Fundación
Rúa Mayor
www.rolan.org

PCCG-PC
C
G
P
C
G
■



O "noso carnet"

UNHA ALTERNATIVA DEMOCRÁTICA PRA GALICIA

libros

Ven de sair, editado por Nova Galicia, o último libro escrito polo noso camarada Santiago Alvarez.

"Unha alternativa democrática pra Galicia" non é outra cousa que o informe presentado polo camarada Santiago diante do Pleno ampliado do Comité Central do Partido celebrado no outono. Nél recóllense os análises máis recentes dos comunistas con respecto a realidade social e económica da nosa terra así como as principais propostas cara a solución dos problemas políticos actuais.

"Unha alternativa democrática pra Galicia" ven de ser unha proposta precisa e unha aportación fundamental cara a xusta solución dos problemas que Galicia ten prantexados, razón pola cal recomendamos a súa lectura e discusión.

BASILIO



NA MORTE DE JUAN NOVOA NOVOA

O pasado día 21 de decembro do 75 morreu na súa casa de Ourense, o que fora xunto a Benigno Alvarez e máis outros fundador do Partido Comunista de España en OURENSE na metade da década dos anos vinte.

Tipógrafo de profesión (traballou os seus derradeiros anos na Región) naceu o camarada Juan o 13 de Xunio de 1898, pasando un total de 14 anos da súa vida nas prisións franquistas, sufrindo a primeira detención de Marzal do 1.937 ao mesmo mes do 44, e a segunda e última dende o 1.946 ao 54. Tivo tamén un fillo, Máximo, incorporado a guerrilla en misión de enlace, que foi morto o 25 de Decembro do 48, na mentras exercía unha misión de vixía en canto que un grupo guerrilleiro xantaba na empanada que el mesmo lle había levado. Todos estes acontecementos non mermaron a ideoloxía marxista de Juan Novoa, nin quebraron o seu espírito. Somentes o invalimento físico dos derradeiros anos, cego e casi xordo, arrumbóuno ao marxen do navegar coñecendo dos acontecementos históricos.

Foi enterrado no primeiro día do ano, no cemiteiro de San Francisco, perto da súa casa, e o cadavre foi levado a lombos dos seus camaradas do Partido Comunista de Galicia en Ourense en todo o traieuto. Pechou o acto Manuel Peña-Rey membro do Comité Executivo do PCG, coas seguintes verbas:

"O home que rematamos de despoir, é un exemplo disa xeneración de traballadores que adicaron a súa vida en teira, nas condicións históricas máis duras e difíciles na defensa dos seus intereses de clase e por unha sociedade máis xusta.

Cofundador do P.C. de España en Ourense, condenado a morte no ano 37, condena que lle conmutaron pola cadea perpétua, salíu aos 7 anos, despois de padecer traballos forzados. Inmediatamente incorporábase á guerrilla, onde morrerá seu fillo. Nova detención e pasa outros 7 anos na cadea.

Todo iste historial escalo friante, como castigo polo seu indomeñable espírito de loita, non deixou no seu corazón o máis pequeno rescaldo de odio. Cando eu o cono-

cín, cego e con dificultades pra se comunicar sorprendíame a súa lucidez nos análises que facía, o espírito noble de reconciliación sin cábida pra revanchismos, e o gran entusiasmo e esperanza no futuro, que xa entrevía que escomenzaba, e no que persoas como el terán que ser valoradas polas xeneracións vindeiras como se merecen, e non como hastra agora, que incluso na morte tiñan que ocultarse.

O coñecer e lembrar a vida destes homes, é o gran estímulo que as xeneracións novas necesitan pra levar a cabo a tarefa de conquistar esa sociedade nova sin explotadores e sin egoísmos que o capitalismo interesadamente neqa se xa posible, pero que vidas como as do noso compañeiro son proba e exemplo da súa posibilidade.

Por todo isto, eu quero no nome dos meus compañeiros neste derradeiro intre agradecerllo públicamente.

Adios, Juan. Adios, camarada. Gracias pola tua vida e o teu exemplo.

Organización do PCG
en Ourense

conversa con

VICENTE G. MONTOTO.

SOCIEDADES AGRARIAS SINDICATO CAMPEÑO GALEGO

¿Qué importancia conceden as organizacións do Partido as propostas das CC.CC. de ir cara a formación das Sociedades Agrarias?

Os comunistas estivemos sempre entre os primeiros, anque non os únicos, na potenciación das CC.CC.. Apoiámos polo tanto enteiramente a orientación de ir inmediatamente a constitución dunha Xunta Promotora ou Xestora das Sociedades Agrarias, sindicato dos campeños galegos. Día a día, pois hoxe os acontecementos corren moi apresura, faise máis necesario o concretar a alternativa agraria, aberta, unitaria, democrática e antimonopolista. Os restos burocráticos e caciquiles das desprestixiadas hermandades intenetan lavar a cara cunha nova palabrería "democrática". Si os sectores máis consecuentes do campeñado non damos unha resposta inmediata estamos facilitando a continuidade desas hermandades.

¿E as outras forzas democráticas?

Non pode decirse que os partidos políticos, incluído o PCC, anque salvando as diferenzas notorias que están á vista, haxan asumido, máis alá das espresións ben intencionadas, a importancia que en Galicia sigue tendo o campeñado de cara a democracia hoxe, e de cara ó socialismo mañá. E por elo que a proposta das CC.CC. aparece como a única viable, e na que teñen cabida todas as formas, todas as siglas, detras das cales haxa campeños, poucos ou moitos, non importa. Pero hoxe é preciso levar que os campeños

non participan, na súa gran maioría, en ningún tipo de grupo político ou corrente sindical, e polo tanto as alternativas de masas que se fagan teñen que responder a esa realidade. Esa é a nosa postura dentro das CC.CC., sin que elo implique deixar os esforzos que se veñen facendo cos gandeiros, cos curas, cos técnicos das CC.LL. "Terra", con cooperativistas.

¿Por qué as Sociedades Agrarias?

A primeira razón é que, a pesares do tempo, o espírito das Sociedades Agrarias, co seu carácter unitario, representativo, assembleario, aínda está vivo. Isto pódese molo comprobar en casi todas as asembleas e reunións. Non é solo a recuperación da tradición organizativa que os campeños asumiron denantes do Movemento, senón o dar continuidade a unha vontade de loita, que, como estamos vendo, o réxime non foi capaz de domeñar. E por suposto, as novas esperanzas, as necesidades que se derivan dos tempos presentes, incorpóranse de maneira natural a ese espírito de que falo.

¿Cal sería a estrutura dese sindicato?

Nos documentos propostos polas Comisións Campeñas dáse unha importancia decisiva a Asemblea de Parroquia, quen debe elixir a directiva da Sociedade Agraria. Insístese tamén en que a Asemblea ten de estar aberta a todos os campeños, independentemente de



estar sindicados ou non, ou pertencen a outro sindicato agrario. Proponse tamén a constitución de Coordinadoras de Aruntamento, pois a pesar de que no futuro deba superarse esta artificial división administrativa, hoxe existe, e a él está ligado o montaxe das Hermandades cuio patrimonio é reivindicado pra todo o Movemento Sindical Agrario. Os escalos seguintes son as Unións Comarcales, as Federaciós Provinciales (mentras as provincias subsistan), e a Confederación Galega.

¿E a nivel do Estado?

Na actualidade xa é sabido que as Comisións Campeñas participan na Coordinadora de Organizacións Campeñas do Estado Español (C.O.C.E.), sendo estas designadas, xunto a Unión de Pagesos de Catalunya, a Unión de Agricultores y Ganaderos de Aragón, a U.A.G., de la Región Murciana, a Unión de Llaoradors y Ramaders del País Valencià e as organizacións campeñas da Mancha representadas pola U.A.G. de Albacete, pra composición do Secretariado da Coordinadora. Cando se constituían as Sociedades Agrarias, serán lóxicamente as mesmas quenes decidan as relacións co resto das organizacións a nivel do Estado.